



UNIVERSITÄTS-
BIBLIOTHEK
PADERBORN

**Series Episcoporum Archiepiscoporum Et Electorum
Moguntinorum, Trevirensium Et Coloniensium**

Kolb, Gregor

Rottwilae, 1725

VD18 12054054

Seculum XII.

[urn:nbn:de:hbz:466:1-64326](#)

copis post annorum sex ab habita electione spatium consecratu-
& serò nimiùm pallium potestatis Ecclesiasticæ insigne à pseudo-
pontifice Clemente adeptus, dum schismatici Cæsaris partes nun-
quam serio reliquit, perpetuum bonorum ferè omnium odium ac
tædium peperit; tametsi multa ageret, quæ commendationem me-
rebantur maximam: Divorum namque, præsertim Trevirensium
majori honori, ac venerationi sedulò consuluit, & Ecclesiæ suæ jura
strenuè defendit, & pedo adversùs lupos, & gladio adversùs Ec-
clesiasticorum bonorum invasores usus, quod factum Superi mi-
raculo sunt visi laudare: Henricum namque Comitem Limburgen-
sem Arlunensis Marchionatus Ditiones Metropolitanæ Ecclesiæ ab
Adelhaide donatas, armata manu repetentem, Egelbertus primùm
anathemate percussit, dein verò justa acie profligavit: ubi eve-
nisse ita tradunt, ut cum Henricus anathematis sententiam spre-
visset, & prehenso manibus carnis frusto dixisset: tam parùm Epis-
copi sententia me cœlo privat, quàm parùm hic canis à comedendā
carne abstinet; canis à carne, attonitis cunctis, abstinuerit, &
fugerit, ac Henricus Egelberto gemina ex parte victori manus de-
derit. Tandem Elector hic multis defunctus periculis, discrimen
mortis adiit maximum, dubio posteris relicto, an Ecclesiæ recon-
ciliatus obiérat, tametsi in æde Trevirensium summa sepultus fue-
rit an. 1101. postquam annis 24. potius pro Sede pugnavit, quàm
sedit,

SE C U L U M XII.

LXXVIII. BRVNO. LII. ARCH.

VII. ELECTOR.

Bruno ex illustrissima Brethemiorum Comitum stirpe in
Francia Orientali oriundus, ab Adone verò Archipræsule
educatus, Moguntiæ tandem post sui electionem conse-
cratus, placuit Treviris & Elector, & Archipræsul. Displicuit ve-

P

rò

rò primùm Paschali Summo Pontifici, quòd ab Imperatore Henrico data Electoris insignia induisset: unde pœnæ & pœnitentiæ causâ annis tribus abique Dalmatica, uti dicimus, celebrare ad aram est jussus. Conciliatus nihilominus Pontifici Pallium impetravit, ac inde in Germaniam reversus, Romano ardens spiritu, ac zelo ferventissimè ad concionem dixit, Ecclesiasticæ disciplinæ quamprimum restaurandæ intentus; eam ob rem Synodo indicta, & celebrata. Nimis liberalem, aut prodigum dixere nonnulli, quòd Thietmaro in Brunsuicensi agro Abbatii S. Modoaldi cum duobus Thæbeorum M M. corporibus Reliquias, quin nec modicam de S. Autoris corpore partem donârit. Successu temporis varia expertus est fata, præsertim cùm Henrici V. Cæsaris signa haud providè fecutus, Gelasium II. Rom. Pontificem oppugnavit: sed deinde mutatus & emendatus author Cæsari fuit, ut cum Calisto Gelasii Successore damnatis odiis pacem jurarent. Quare tunc etiam firmata denuo sunt Trevirensis Ecclesiæ privilegia, competitoribus Episcopis parùm accepta. Annis prioribus Berengarii sectatores Trevirensium Ovile, luporum instar petentium oppressit, Dominico quondam Presbytero, tum vero inter scabiosum gregem hirco, ad supplicium damnato. Annis vitæ ultimis Religioni ac virtutibus aliis multis promovendis indefessam navavit operam; extructis enim aris recentibus simulque monasteriis, in hæc sese crebro abdidit, ut ad Divorum sepulchra, concubia etiam nocte liceret orationi ardentius invigilare. Vigilantissimum itaque Archipræsulem mors offendit an. 1124. Sed an. 23.

LXXIX. GODEFRIDVS. LIII. ARCH.

VIII. ELECTOR.

Godefridus Leodiô oriundus, ea laude est functus Decani munere, ut Treviris Archiepiscopum legere voluptas fuerit,

rit. Verum inde turbatâ Republica, sponte sua quosvis reliquit honores, æquissimo animo ferens præferri sibi æmulum an. 1127.

LXXX. MEGINGERVS. LIV. ARCH.

IX. ELECTOR.

Megingerus à puerò Treviris educatus, & sacris muniis assuetus, dum inter turbas publicas ab omnibus fuit Archipræsul exoptatus, solus ipse inter silentii & modestiæ limites se continuit. In Electoratûs exordio Wilhelmu[m] Lützelburgensem Comitem arnîs fatigavit hostem: inde ad sacra conversus, nova S. Mathiæ inventione se recreatum ostendit, præser-tim cùm eandem indubitate miracula comitarentur. An. 1128. Romam profectus, à Pontifice consecrari, & pallio exornari, dum petiit, impetravit. Româ in Germaniam reversus, invenit Clericos & multam, ut fieri amat, populi partem perinfensam sibi: dum itaque consilii & auxiliu ergo Italiam repetere statuit, à Conrado Imperatore, aut veluti vocari consuevit, Rege nondum ele-to, interceptus, & carceri Parmensi inclusus, non nisi morbos & mortem præstolari est jussus: unde & mors brevi in limine adfuit, quæ justorum multorum iram justissimam provocans, ejus loci Archipræsulem adeò commovit, ut more Martyrum Megingerum sepulchro immiserit an. 1130. Difficultas dein exorta est ma-xima in eligendo Successore, quod ob seditioni populi, & Clerico-rum plerorumque crebras mutationes Sede dignissimi oblatam dignitatem constantissimè subterfugerint, unde primùm año 1132.

LXXXI. ADALBERO. LV. ARCH.

X. ELECTOR.

Adalbero ex Primicerio Metensis Ecclesiæ lectus Archipræ-sul, ab Innocentio III. Pont. in Rhemensi Concilio ad Mi-tram est adactus, priùs cum rebelli populo pugnavit, quam

P 2

Sedem

Sedem adiit victor. Hac major jam ac potentior victoria, Legatus per Germaniam creatus à Pontifice, cum Lothario II. Imperatore in Italiam transiit, ex qua Megingeri ossa in Germaniam secum retulit. Multis deinde litibus agitatus, nunc victor triumphavit, nunc vietus succubuit, præsertim cum Confluentiæ literas Pontificias sibi oblatas forte dilacerasset. Igitur Romam ad dicendam causam vocatus quamprimum venit, & ob promptam obedientiam impetravit, ut Seyherus Abbas ad fidem Trevrensum Archiepiscopo promittendam fuerit adactus. Cælestinus paullò post creatus Pontifex, factum denuo ratum habuit. An. 1147. Eugenium III. Pontificem in Gallias profectum, factus obviam Adalbero honoravit, Treviroisque Virduno euntem humanissime invitavit, ubi pari humanitate exceptum ad S. Mathiæ templum deduxit, indeque ad urbem vicinaque loca traductam trimestri integro suis aluit impensis. Eodem tempore Pauliniana Basilica, & S. Mathiæ fuerunt consecratae, institutaque Treviris Synodus, in qua præter alia D. Hildegardis facinora ab Historicis conscripta sunt, discussa & probata. Hinc Pontifex ad Rhemensē digressus Concilium Adalberoni tanquam Primi proximum à se tribuit locum: unde denuo lites, autoritate tamen Pontificis soperæ. Postrema Adalberoni contentio fuit cum Hermanno Comite Palatino, qui Advocatus Ecclesiæ delectus, Ottoni Comiti Rhineco Trisium castrum, infra Cardonam ad Mosellam eripuit, quod cum Otto ad stipulante conjugе Trevirensi Ecclesiæ donasset, Adalbero reddere recusanti armis extorsit, Comite, ut periculum evitaret, cautè declinante. Indictis demum Confluentiæ Comitiis, postquam discordes, & ad civile bellum spectantes nobilium animos felici pacis studio composuit, febri simul & pleuritide correptus exspiravit an. 1152. Sed. an. 20.

LXXXII.

LXXXII. HILLINVS. LVI. ARCH.
XI. ELECTOR.

Hillinus eadem ferè ætate electus Archipræsul, qua Conradus III. Imperator vitâ est functus: unde Francofurtum evocatus cum Electoribus Imperii, Fridericu I. cognomento Aenobarbum Imperatorem elegit. Peracta electio ne Romam missus ad Eugenium Pontificem partim Imperii, partim sui muneric ergo dum venit, Romam venisse & vidisse profuit: præter Pallium enim aliâque Archiepiscopis Trevirorum propria, novis antiqua privilegia sunt confirmata. Crevit inde etiam Electoris authoritas, quæ tum in causis Ecclesiæ, tum Imperii ambiguis plurimùm valuit, tanto nimirum tempore, quanto inter Pontificem & Cæsarem stetit pax integra & amicitia: postquam enim Fridericus Victoris pseudopontificis partes est amplexus, Hillinus domi hærens, vel morbum sensit, vel simulavit. Verùm & domi lis nata cum Conrado Friderici Cæsarlis fratre, Trevirensi Advocato Palatino, uti vocabant, præter spem est discussa brevissimè: Imperator namque vel æquitatis studio, vel Electorem sibi lucratus denuo, sententiam dixit Hillino exoptatissimam. Accessit sententia altera à Friderico pro Electore contra cives lata, qui more novissimo tribus adornare, magistros tribus præficere, ac jure decernere sunt ausi. Inter partæ pacis deinde studia Hillino curæ fuit, arcem Ehrenbreitsteinianam communire, & necessariis quibusvis rebus instruere; summæ item Trevirorum ædi majus spatium dare, quam curam & mors, & Medici interruperunt an. 1169. Sed. an. 17.

LXXXIII. ARNOLDVS. LVII. ARCH.
XII. ELECTOR.

Arnoldus ab Ubiis translatus Treviros, annitente plurimùm Friderico Imperatore electus, constanter pacem coluit, ut
P 3 ani-

animarum saluti se suosque totos servaret; quem in finem non paucos ex nobilitate armorum suasores, revera prædones, datâ prædâ remisit. At Fridericus Lotharingiæ Dux & Comes Nassovius, cùm arma ponere nullo modo viderentur, uterque Arnoldi felicitate magna repulsus pacem petiit, dum paulò antè petitam negavit. Otium ab armis nactus Archidioecesis suam lustrando, Ecclesias passim ære alieno obstrictas insigni liberalitate levavit. Nec multò post in Italiā cum Cæsare profectus, post optatam Pontifici & Venetis victoriam Alexandrum Friderico vidit conciliari, vidisse talia contentus: unde in Germaniam reversus, Himmerodensis claustrī solitudine delectatus an. 1183. mortem exspectatam animo æquissimo exceptit. Sed. an. 14. Mortuo Arnoldo septem annis à geminis partibus pugnatum est, aliis Rudolphum Præpositum, aliis Folmarum Archidiaconum poscentibus. Inter duos litigantes gaudere demum licuit tertio, qui fuit

LXXXIV. IOANNES. LVIII. ARCH.
XIII. ELECTOR.

Joannes Henrici VI. Imperatoris Cancellarius, ut vocamus, Diœcesi suæ quietem restituit, & eiusdem bona promovit, verè pastor vigilantissimus. Inter opera eiusdem prima venit urbs Trevirorum novis mœnibus refecta, & templum Noviomagense consecratum. Cum variis deinde Comitibus partim jure, partim gladio certavit, ut rem Ecclesiæ integrum servaret. A profanis conversus ad sacra, dum exornandæ ædi summae se totum impendit, inconfutabilem Christi Domini togam denuo inventam confertissimo populo an. 1196. exhibuit. Adversus plurima illius temporis discrimina ut immunem se servaret, nunc Philippi, nunc Ottonis Imperatorum inter se pugnantium partes amplecti necessitas, & mutata in tempore ratio suadebat, ubi ab Ottone Treviri accepere singulare privilegium, quod *Fundamentam Trevirice*

liber-

libertatis vocârunt. Id commendandum maximè in Electore Joanne, quòd inter publicas Imperii adversitates Romam sibi præfixerit constanter metam, ultra quam nec passum quidem tentandum esse fixum ratum habebat, amicus nimirum usque ad aram; unde cum Guido ex Cistertiensium Ordine Cardinalis imperante Innocentio III. Pont. partes Philippo Cæsari pertinaciùs adhærentes anathematis sententiâ terroreret, continuò Joannes monitis acquievit, atque in Cistertiensium gratiam Romam profectus est, ut vectigalium, quæ in sacri belli subsidium postulabantur, onus averteret. Simile exemplum in Joanne expertus Otto, æstimavit pluris, quàm amavit promptam Electoris huius erga Pontificem obedientiam. Cæterùm quamvis Treviros, Confluentiam aliásque urbes suas plurimis impensis communiérat, quin Dioecesis suam copiosis simulque pretiosis subsidiis recreaverit, facultates tamen finésque Ecclesiæ suæ adeò adauxit & extendit, ut pluribus seculis posteri Joannis nomen celebraverint. Inter communes igitur omnium laudes tumulo illatus est an. 1212. Sed. 22.

SECULUM XIII.

LXXXV. THEODORICVS II. LIX. ARCH.
XIV. ELECTOR.

Theodoricus II. origine Comes de Weida, ex Archidiaco-no Trevirensi & Præposito S. Paulini formatus Archi-præful, in Electoratus sui exordio jam dura passus prouinciavit: *excelsa munera sunt gravia onera.* Anno nimirum ab electio-ne sui altero ab Ottonis partibus captus, à Friderico Ottonis hoste liberatus est, libertate hac parùm recreatus, quòd multis vinculis obnoxiam sciret. An. 1215. Coloniam abiit, hanc ipsam urbem interdicto subjectam liberaturus. Coloniâ Romam profectus La-teranensi Concilio celeberrimo interfuit, in quo cùm pro Ecclesiæ

emo-